

Škola o pripremi projekata za fondove EU



IPA fondovima za BiH je predviđeno oko 89 miliona eura u 2009.

Novac treba znati iskoristiti

Prva škola o pripremi projekata za nepovratna sredstva iz fondova Evropske unije u organizaciji slovenačke konzultantske kuće RRG-Co i zagrebačke firme Apriori komunikacije počela je jučer u Sarajevu. Prema riječima koordinatorice za provedbu projekta Josipe Terzić, prijavljeno 12 kandidata iz institucija vlasti, nevladinog sektora i privrede, a obuka će trajati šest mjeseci.

Šefica odjela za konsalting RRG-Co Mojca Dušica Zajc kazala je kako BiH na raspolaganju stoje predpristupni fondovi Evropske unije (IPA), te centralni fondovi i otvoreni fondovi za koje mogu aplicirati i ze-

mlje koje nisu kandidati ni članovi EU. Prije potpisivanja Sporazuma o stabilizaciji i pridruživanju sa EU za sredstva iz fondova mogla je aplicirati samo država, dok sada to mogu raditi i kompanije i nevladine organizacije.

„IPA fondovima za BiH je predviđeno oko 89 miliona eura u 2009. godini, te 106 miliona eura u 2010.“, kazala je Zajc. Ona je dodala kako su to sredstva koja su namjenjena BiH i ona su našoj zemlji na raspolaganju samo ih treba iskoristiti. Iskustva ostalih zemalja pokazuju da je iskorištenost sredstava EU fondova oko dvije trećine.

J. Sa.